

# ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

Электрон давлат хизматлари кўрсатиш тартибини такомиллаштириш чора-тадбирлари тўғрисида

(Ўзбекистон Республикаси қонун ҳужжатлари тўплами, 2016 й., 23-сон, 265-модда)

Ўзбекистон Республикасининг «Электрон ҳукумат тўғрисида»ги Қонунига мувофиқ, давлат хизматларининг электрон шаклга сифатли ўтказилишини таъминлаш, электрон давлат хизматлари кўрсатишнинг амалдаги тартибини такомиллаштириш, шу жумладан давлат органлари ҳужжатларининг бирхиллаштирилишини таъминлаш мақсадида Вазирлар Маҳкамаси қарор қилади:

1. Электрон давлат хизматлари кўрсатиш тартибини такомиллаштириш чора-тадбирларини амалга ошириш тўғрисидаги низом иловага мувофиқ тасдиқлансин.

2. Қуйидаги тартиб амалга киритилсин, унга мувофиқ:

электрон давлат хизматлари кўрсатиш тартибининг такомиллаштирилиши давлат органлари ҳужжатларининг мажбурий равишда бирхиллаштирилишини ўз ичига олади;

электрон давлат хизматларини жорий қилиш уларни кўрсатиш тартибини такомиллаштириш чора-тадбирларини мажбурий амалга ошириш йўли орқали бажарилади;

электрон давлат хизматлари кўрсатиш тартибини такомиллаштириш чора-тадбирларини амалга ошириш натижасида яратилган ахборот тизимлари Ўзбекистон Республикаси Ягона интерактив давлат хизматлари портали билан интеграциялашиши керак;

электрон давлат хизматлари кўрсатиш тартибини такомиллаштириш чора-тадбирларини амалга ошириш доимий асосда электрон давлат хизматлари кўрсатувчи давлат органлари ва бошқа ташкилотлар томонидан, шунингдек Ўзбекистон Республикаси Ахборот технологиялари ва коммуникацияларини ривожлантириш вазирлиги томонидан ушбу қарор билан тасдиқланган Низомга мувофиқ таъминланади.

3. Электрон давлат хизматлари кўрсатиш тартибини такомиллаштириш чора-тадбирларини амалга ошириш доирасида давлат органлари ва бошқа ташкилотлар фаолиятини мувофиқлаштириш ва уларнинг ўзаро ҳамкорлик қилиши учун масъулият Ўзбекистон Республикаси Ахборот технологиялари ва коммуникацияларини ривожлантириш вазирлигига юклансин.

4. Ўзбекистон Республикаси Ахборот технологиялари ва коммуникацияларини ривожлантириш вазирлиги:

электрон давлат хизматлари кўрсатувчи давлат органлари ва бошқа ташкилотларнинг ахборот тизимлари техник ҳужжатлари экспертизасини таъминлашда электрон давлат хизматлари кўрсатиш тартибини такомиллаштириш бўйича амалга оширилган ёки режалаштирилаётган чора-тадбирлар тўғрисидаги ахборотга, электрон давлат хизматлари кўрсатиш регламентларини келишишда эса — электрон шаклда бажариладиган тартиб-таомиллар тўғрисидаги ахборотга алоҳида эътибор қаратсин;

Адлия вазирлиги, электрон давлат хизматларини кўрсатувчи давлат органлари ва бошқа ташкилотлар билан биргаликда олти ой муддатда уларнинг ваколатлари, вазифалари ва функцияларини белгилаб берувчи норматив-ҳуқуқий ҳужжатларнинг инвентаризациясини ўтказсин, инвентаризация натижалари бўйича интерактив шаклга ўтказилиши ва Ўзбекистон Республикаси Ягона интерактив давлат хизматлари порталида жорий қилиниши керак бўлган, жисмоний ва юридик шахсларга кўрсатиладиган давлат хизматлари рўйхатини тасдиқлаш учун 2013 — 2020 йилларда Ўзбекистон Республикаси Миллий ахборот-коммуникация тизимини ривожлантириш комплекс дастурининг амалга оширилишини мувофиқлаштириш республика комиссиясига киритсин.

5. Электрон давлат хизматлари кўрсатувчи давлат органлари ва бошқа ташкилотлар:

---

электрон давлат хизматлари кўрсатишда бюрократик тўсиқлар юзага келишининг, кўп вақт кетиши ва молиявий чиқимлар юқорилигининг асосий сабаблари таҳлили ўтказилишини;

электрон давлат хизматлари кўрсатиш тартибини такомиллаштириш чора-тадбирлари сифатли амалга оширилиши доимий асосда қатъий назорат қилинишини таъминласинлар.

6. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринбосари Р.С. Азимов зиммасига юклансин.

Ўзбекистон Республикасининг Бош вазири Ш. МИРЗИЁЕВ

Тошкент ш.,

2016 йил 2 июнь,

184-сон

Вазирлар Маҳкамасининг 2016 йил 2 июндаги 184-сон қарорига ИЛОВА

Электрон давлат хизматлари кўрсатиш тартибини такомиллаштириш чора-тадбирларини амалга ошириш тўғрисида

НИЗОМ

I. Умумий қоидалар

1. Ушбу Низом Ўзбекистон Республикасининг «Электрон ҳукумат тўғрисида»ги Қонунига мувофиқ электрон давлат хизматлари кўрсатиш тартибини такомиллаштириш чора-тадбирларини амалга ошириш тартиб-таомиллари ва механизмларини белгилайди.

2. Ушбу Низом талаблари электрон давлат хизматлари кўрсатувчи, шунингдек электрон давлат хизматлари кўрсатиш тартибини такомиллаштириш чора-тадбирларини амалга оширишда иштирок этадиган давлат органлари ва бошқа ташкилотларга (кейинги ўринларда давлат органлари деб аталади) тааллуқлидир.

3. Электрон давлат хизматлари кўрсатиш тартибини такомиллаштириш электрон давлат хизматлари кўрсатиш тартибини соддалаштириш ва рационализация қилишга қаратилган ташкилий, кадрларга оид, техник, ҳуқуқий ва бошқа чоралар мажмуидан, шу жумладан уларни интерактив режимда кўрсатиш тартиб-таомилларидан иборат.

4. Электрон давлат хизматлари кўрсатиш тартибини такомиллаштириш чора-тадбирларини амалга ошириш тўғрисидаги қарорни қабул қилишдаги бош мезон давлат хизматларини электрон шаклга ўтказиш, шу жумладан идоралараро электрон ҳамкорликни ўрнатиш ҳисобланади.

Қўшимча мезонлар қуйидагилар ҳисобланади:

электрон давлат хизматларига бўлган талаб;

давлат хизматларини кўрсатишда бюрократик тўсиқларнинг мавжудлиги;

давлат хизматларини кўрсатишнинг кўп вақт олиши ва молиявий чиқимларнинг юқорилиги;

электрон давлат хизматлари кўрсатишнинг белгиланган тартиби йўқлиги ва (ёки) жойларда электрон давлат хизматлари кўрсатишнинг шаклланган амалиёти билан электрон давлат хизматлари кўрсатиш масалаларини тартибга солувчи норматив-ҳуқуқий ҳужжатлар билан белгиланган тартиб ўртасидаги катта фарқлар мавжудлиги.

Электрон давлат хизматлари кўрсатиш тартибини такомиллаштириш чора-тадбирларини амалга ошириш тўғрисидаги қарорни қабул қилишнинг қўшимча мезонлари давлат хизматлари кўрсатиш масалалари бўйича жисмоний ва юридик шахсларнинг мурожаат қилиши сабабларини ўрганиш ва таҳлил қилиш, шунингдек социологик тадқиқотлар (ижтимоий сўровлар, интервью олиш, жисмоний ва юридик шахслардан сўраб чиқиш ва бошқалар) натижалари бўйича аниқланади.

---

5. Электрон давлат хизматлари кўрсатиш тартибини такомиллаштириш чора-тадбирлари:

давлат хизматларини электрон шаклга ўтказишда давлат органлари томонидан доимий асосда;

2013 — 2020 йилларда Ўзбекистон Республикаси Миллий ахборот-коммуникация тизимини ривожлантириш комплекс дастурининг амалга оширилишини мувофиқлаштириш республика комиссияси (кейинги ўринларда Республика комиссияси деб аталади) томонидан ҳар йили тасдиқланадиган интерактив шаклга ўтказилиши ва Ўзбекистон Республикаси Ягона интерактив давлат хизматлари порталига жорий қилиниши керак бўлган Давлат хизматлари рўyxатидан (кейинги ўринларда Рўyxат деб аталади) келиб чиқиб Ўзбекистон Республикаси Ахборот технологиялари ва коммуникацияларини ривожлантириш вазирлиги (кейинги ўринларда Вазирлик деб аталади) томонидан давлат органлари билан биргаликда амалга оширилади.

II. Электрон давлат хизматлари кўрсатиш тартибини такомиллаштириш чора-тадбирлари

6. Электрон давлат хизматлари кўрсатиш тартибини такомиллаштириш қуйидаги бир ёки бир нечта чора-тадбирларни мажбурий бажаришдан иборат:

а) электрон давлат хизматлари кўрсатиш тартиб-таомилларини ўзгартириш;

б) таркиби электрон давлат хизмати кўрсатиш натижасига таъсир кўрсатмайдиган тартиб-таомиллар аниқланган ёки икки ва ундан ортиқ давлат органларига (шу жумладан идоравий мансуб ташкилотларга) амалда айнан бир хил вазифалар ва функциялар берилиши ҳолатлари аниқланган тақдирда электрон давлат хизматлари кўрсатишнинг ортиқча ва (ёки) такрорловчи тартиб-таомилларини чиқариб ташлаш;

в) электрон давлат хизматлари кўрсатиш ва уларни кўрсатиш билан боғлиқ алоҳида тартиб-таомилларни бажариш муддатларини белгилаш ва (ёки) қисқартириш;

г) электрон давлат хизматлари кўрсатиш қийматини белгилаш ва (ёки) камайтириш, шу жумладан тўловни ўтказиш тартибини белгилаш;

д) электрон давлат хизматлари кўрсатишда фойдаланиладиган давлат органларининг ҳужжатларини бирхиллаштириш;

е) электрон давлат хизматларидан фойдаланишда жисмоний ва юридик шахслар томонидан тақдим этиладиган ҳужжатлар рўyxатини белгилаш ва (ёки) қисқартириш;

ж) давлат органларини белгилаш ва (ёки) истисно этиш, шу жумладан уларнинг функцияларини оқилона тақсимлаш ҳисобига электрон давлат хизмати кўрсатиш бўйича у ёки бошқа функцияни бошқа давлат органига бериш;

з) бошқарув ходимларига қабул қилинган қарорларнинг асосланганлиги учун жавобгарликни юклаган ҳолда уларнинг электрон давлат хизматлари кўрсатиш тартиб-таомилларини бажариш давомида қарорлар қабул қилиш ваколатларини бериш;

и) «ягона дарча» принципи бўйича давлат хизматлари кўрсатиш ягона марказлари орқали электрон давлат хизматлари кўрсатиш.

7. Қуйидагилар давлат органлари ҳужжатларини бирхиллаштиришнинг асосий принциплари ҳисобланади:

а) электрон давлат хизматлари кўрсатишнинг муайян соҳаси учун ҳужжатларнинг формуляр-намунасини шакллантириш ва унинг асосида ушбу ҳужжатлар тизими учун реквизитлар таркибини белгилаш;

б) ҳужжатларни энг кўп даражада бир хил хусусиятга келтириш йўли билан ҳужжатларнинг шаклларини ва уларни тузиш ва расмийлаштириш қоидаларини бирхиллаштириш;

в) ҳужжатларга фақат аниқ вазифаларни ҳал қилиш учун, шу жумладан ҳужжатнинг юридик кучини тасдиқлаш учун зарур бўладиган реквизитларни киритиш;

---

г) ҳужжатларда ўзгарувчан (доимий бўлмаган) ахборотлар учун маълумотномалар ва классификаторлардан мажбурий фойдаланиш.

8. Электрон давлат хизматлари кўрсатиш тартибини такомиллаштириш чора-тадбирлари амалга оширилиши билан боғлиқ ишларни тайёрлаш ва ташкил қилиш қуйидаги босқичларни ўз ичига олади:

электрон давлат хизмати кўрсатишнинг амалдаги тартибини текшириш ва жорий моделини тузиш;

электрон давлат хизмати кўрсатишнинг мақбуллаштирилган моделини тузиш ва жорий қилиш.

9. Электрон давлат хизматлари кўрсатиш тартибини такомиллаштириш чора-тадбирларини амалга ошириш доирасида давлат органлари томонидан ихтисослаштирилган консалтинг компаниялари жалб қилиниши мумкин.

10. Электрон давлат хизматлари кўрсатишнинг амалга ошириш таклиф қилинаётган мақбуллаштирилган модели текширилганлиги, шунингдек автоматлаштириш ва электрон шаклга ўтказиш режалаштирилаётган давлат хизматлари ҳамда уларни электрон форматда кўрсатиш тартиб-таомиллари тўғрисидаги ахборот тегишли ахборот тизимларини ва ахборот ресурсларини яратишга доир техник ҳужжатларда кўрсатилади.

Электрон давлат хизматлари кўрсатиш тартибини такомиллаштириш чора-тадбирларини амалга ошириш давомида ишлаб чиқилган, электрон давлат хизматлари кўрсатиш тартиби ва сифатига қўйиладиган талабларни белгиловчи норматив-ҳуқуқий ҳужжатлар Вазирлик билан келишилиши керак.

III. Электрон давлат хизматлари кўрсатишнинг амалдаги тартибини текшириш ва жорий моделини тузиш

11. Электрон давлат хизмати кўрсатишнинг амалдаги тартибини текшириш (кейинги ўринларда текшириш деб аталади) давомида қуйидагилар белгиланади:

электрон давлат хизмати кўрсатиш тартиби ва талабларини белгиловчи норматив-ҳуқуқий ҳужжатлар;

электрон давлат хизматлари кўрсатувчи ва хизматлар кўрсатишга жалб этилган давлат органлари, шунингдек уларга идоравий мансуб ташкилотлар ва таркибий бўлинмалар;

электрон давлат хизмати кўрсатишнинг жорий қиймати ва муддатлари, шунингдек хизмат кўрсатилганлиги учун тўлов усуллари ва муддатлари;

электрон давлат хизмати кўрсатиладиган шахсларнинг тоифаси;

электрон давлат хизмати кўрсатиш натижасини олиш учун тақдим этиладиган ҳужжатларнинг рўйхати ва намуналари;

электрон давлат хизмати кўрсатиш натижасида олинadиган ҳужжатлар рўйхати ва намуналари;

электрон давлат хизмати кўрсатиш доирасида ва хизмат кўрсатишнинг амалдаги тартибига мувофиқ қўлланиладиган ахборот тизимлари ва ахборот ресурслари;

сўнги уч йил ичида электрон давлат хизмати кўрсатиш статистикаси;

электрон давлат хизмати кўрсатиш тартибини ва талабларини белгиловчи норматив-ҳуқуқий ҳужжатнинг амалда қўлланиши таҳлили;

электрон давлат хизмати кўрсатиш масалалари бўйича келиб тушадиган мурожаатлар таҳлили.

---

12. Текширишни ўтказиш давомида электрон давлат хизмати кўрсатиш тартибининг босқичма-босқич схемали тасвирини, шунингдек ҳар бир электрон давлат хизмати кўрсатиш тартиб-таомилини изоҳловчи матнли тавсифни ўз ичига олувчи электрон давлат хизмати кўрсатишнинг

---

жорий модели тузилади.

Электрон давлат хизмати кўрсатиш жорий модели электрон давлат хизмати кўрсатишнинг ҳақиқатда шаклланган амалиёти асосида тузилади.

13. Электрон давлат хизмати кўрсатиш тартибининг схемали тасвирида қуйидагилар кўрсатилади:

электрон давлат хизмати иштирокчилари (давлат органига сўров билан мурожаат қилган жисмоний ва юридик шахслар, шунингдек давлат органлари, уларнинг ходимлари ва бошқалар);

электрон давлат хизмати кўрсатиш тартиб-таомиллари (ҳужжатларнинг тўлиқлигини текшириш, аризани қабул қилиш, уни рўйхатга олиш, кўриб чиқиш, ахборот йиғиш, объектни тест синовидан ўтказиш, экспертизадан ўтказиш, текшириш, қарорни тайёрлаш, қарорни келишиш, қарорни тасдиқлаш, қабул қилинган қарор тўғрисида хабардор қилиш, электрон давлат хизмати кўрсатиш натижасини бериш ва бошқалар);

электрон давлат хизмати кўрсатиш тартиб-таомилларини бажариш ҳужжатлари ёки натижалари (аризалар, келишувлар, кўчирмалар, маълумотномалар, шартномалар, лицензиялар, хатлар, гувоҳномалар, квитанциялар, билдиришномалар ва бошқалар);

электрон давлат хизмати кўрсатишнинг амалдаги тартиби доирасида ва унга мувофиқ қўлланиладиган ахборот тизимлари ва ахборот ресурслари;

электрон давлат хизмати кўрсатиш барча тартиб-таомилларини бажариш муддатлари.

Схемали тасвирда барча иштирокчилар, ҳужжатлар ёки тартиб-таомилларни бажариш натижалари, ахборот тизимлари ва ахборот ресурсларининг ўзаро боғлиқ ишлаши, шунингдек электрон давлат хизмати кўрсатиш ҳар бир тартиб-таомилни бажариш изчиллиги акс эттирилиши керак.

14. Электрон давлат хизмати кўрсатилишини текшириш ва жорий моделини тузиш уни кўрсатиш тартибининг таҳлилини ўтказиш учун зарур, шу жумладан:

таркиби электрон давлат хизмати кўрсатиш натижасига таъсир кўрсатмайдиган ва (ёки) улардаги маълумотларнинг ишончлилиги давлат органига сўров билан мурожаат қилган жисмоний ёки юридик шахснинг иштирокисиз текширилиши мумкин бўлган ҳужжатларни (маълумотларни) аниқлаш;

электрон шаклда ва ариза берувчи фойдалана олиши мумкин бўлган ўзаро ҳамкорлик усуллари ва шаклларидан фойдаланиб амалга оширилиши мумкин бўлган, давлат органига сўров билан мурожаат қилган жисмоний ёки юридик шахслар ўртасидаги ўзаро ҳамкорликни аниқлаш;

бажарилиши электрон тарзда амалга оширилиши мумкин бўлган ва (ёки) таркиби электрон давлат хизмати кўрсатиш натижасига таъсир кўрсатмайдиган, бажарилиши муддатлари қисқартирилиши мумкин бўлган тартиб-таомилларни аниқлаш;

қўлланиладиган ўзаро ҳамкорлик усулларини ҳисобга олган ҳолда ҳар бир тартиб-таомилни амалга оширишнинг йўл қўйиладиган усуллари ва қийматини белгилаш;

электрон давлат хизмати кўрсатиш натижасини бериш ёки бундай хизматнинг кўрсатилишини рад этиш тўғрисида қарорлар қабул қилиш мезонларини белгилаш.

IV. Электрон давлат хизматлари кўрсатишнинг мақбуллаштирилган моделини тузиш ва жорий қилиш

15. Электрон давлат хизмати кўрсатилишини текшириш ва жорий моделини тузиш тугаллангандан кейин ушбу Низомнинг 14-бандида кўрсатилган уни кўрсатиш тартибининг таҳлили ўтказилади, шунингдек электрон давлат хизмати кўрсатишнинг мақбуллаштирилган моделини тузган ҳолда шунга ўхшаш электрон давлат хизматлари кўрсатишнинг чет эл тажрибаси ва илғор амалиёти ўрганилади.

---

16. Электрон давлат хизмати кўрсатишнинг мақбуллаштирилган модели уни кўрсатиш тартибининг босқичма-босқич схемали тасвирини, шунингдек ҳар бир электрон давлат хизмати кўрсатиш тартиб-таомилини изоҳловчи матнли тавсифни ўз ичига олади.

17. Электрон давлат хизмати кўрсатишнинг мақбуллаштирилган модели тасвирига қўйиладиган талаблар ушбу Низомнинг 13-бандида белгиланган талабларга ўхшаш.

18. Электрон давлат хизмати кўрсатишнинг мақбуллаштирилган модели ушбу Низомнинг 6-бандида кўрсатилган электрон давлат хизматлари кўрсатиш тартибини такомиллаштириш чора-тадбирлари кейинчалик амалга оширилишини ҳисобга олиб тузилиши керак.

19. Электрон давлат хизмати кўрсатишнинг мақбуллаштирилган моделини амалга оширишга электрон давлат хизматлари кўрсатиш тартибини ва талабларини белгиловчи норматив-ҳуқуқий ҳужжатларга ўзгартириш ва қўшимчалар киритиш ва (ёки) янги норматив-ҳуқуқий ҳужжатларни қабул қилиш, электрон давлат хизматлари кўрсатиш тартиб-таомиллари тўлақонли бажариш учун зарур бўлган ахборот тизимлари ва ахборот ресурсларини яратиш, модернизациялаш ва уларни интеграциялаш йўли билан эришилади.

Ишлаб чиқилган норматив-ҳуқуқий ҳужжатларнинг лойиҳалари Ўзбекистон Республикаси Ягона интерактив давлат хизматлари порталида уларни эълон қилиш йўли орқали, шунингдек жамоатчилик фикрини ўрганишнинг бошқа усуллари қўллаш йўли билан мажбурий равишда жамоатчилик томонидан муҳокама қилиниши керак.

V. Давлат хизматларини интерактив шаклга ўтказиш ва Ўзбекистон Республикаси Ягона интерактив давлат хизматлари порталида жорий қилиш бўйича электрон давлат хизматлари кўрсатиш тартибини такомиллаштириш чора-тадбирларини амалга ошириш

20. Электрон давлат хизматлари кўрсатиш тартибини такомиллаштириш чора-тадбирлари ушбу Низомга иловадаги схемага мувофиқ интерактив шаклга ўтказилиши ва Ўзбекистон Республикаси Ягона интерактив давлат хизматлари порталида жорий қилиниши керак бўлган давлат хизматлари рўйхатидан келиб чиқиб амалга оширилади.

Давлат органлари Вазирлик билан келишув бўйича Рўйхатга киритилмаган давлат хизматларини интерактив шаклга ўтказишлари ва Ўзбекистон Республикаси Ягона интерактив давлат хизматлари порталида жорий қилишлари мумкин.

21. Вазирлик ҳар йили 1 декабргача янгиланган Рўйхатни ишлаб чиқади ва тасдиқлаш учун Республика комиссиясига киритади.

Текширишни ўтказиш, электрон давлат хизматлари кўрсатишнинг жорий ва мақбуллаштирилган моделларини тузиш муддатлари янгиланган Рўйхатдан келиб чиқиб белгиланади.

22. Рўйхат Республика комиссияси томонидан тасдиқлангандан кейин Вазирлик давлат органлари билан биргаликда электрон давлат хизматлари кўрсатишнинг жорий ва мақбуллаштирилган моделларини тузган ҳолда белгиланган муддатларда текшириш ўтказилади.

23. Электрон давлат хизматини кўрсатиш тартибини такомиллаштириш чора-тадбирларини амалга ошириш учун Вазирлик электрон давлат хизматлари кўрсатиш принциплари ва тартибини такомиллаштириш заруратини тушунтириш бўйича таништирув тақдимотини ва семинарларни ташкил қилган ҳолда Ўзбекистон Республикаси Ахборот технологиялари ва коммуникацияларини ривожлантириш вазирининг биринчи ўринбосари раҳбарлиги остида Вазирликнинг ходимлари, «Электрон ҳукумат» тизимини ривожлантириш марказининг директори ва ходимлари, давлат органлари раҳбарларининг ўринбосарлари, ахборот-коммуникация технологиялари соҳасидаги ихтисослаштирилган бўлинмалар бошлиқлари, электрон давлат хизматлари кўрсатиш тартибида иштирок этувчи бўлимлар, таркибий бўлинмалар ва идоравий мансуб ташкилотларнинг бошлиқлари, шунингдек бошқа манфаатдор ташкилотларнинг вакиллари билан иборат таркибда ишчи гуруҳни (кейинги ўринларда ишчи гуруҳ деб аталади) ташкил қилади.

---

24. Электрон давлат хизматлари кўрсатилишини текшириш, жорий ва мақбуллаштирилган моделларини тузиш давомида давлат органлари ишчи гуруҳ аъзоларини зарур ахборот билан, шунингдек норматив-ҳуқуқий ҳужжатлар ва бошқа материаллар билан, шу жумладан интервью олиш орқали таъминлайдилар.

---

25. Электрон давлат хизматлари кўрсатилишини текшириш, жорий ва мақбуллаштирилган моделларини тузиш якунлари бўйича Вазирлик томонидан электрон давлат хизмати кўрсатишнинг мақбуллаштирилган моделини амалга ошириш зарурлиги асосланишини ва электрон давлат хизматлари кўрсатиш тартибини такомиллаштириш чора-тадбирлари режасининг лойиҳасини (кейинги ўринларда чора-тадбирлар режаси деб аталади) ўз ичига оладиган тегишли ҳисобот тузилади, бу ҳисобот ишчи гуруҳ мажлисида кўриб чиқилади.

Ишчи гуруҳ томонидан ишлаб чиқилган чора-тадбирлар режаси лойиҳасини маъқуллаш ва уни белгиланган тартибда Республика комиссиясига кўриб чиқиш учун киритиш тўғрисида қарор қабул қилинади.

Республика комиссияси ўзининг мажлисида чора-тадбирлар режаси лойиҳасини кейинчалик амалга оширишни ташкил этиш ва амалга оширилиши мониторингини олиб бориш учун тақдим этилган ушбу чора-тадбирлар режаси лойиҳасини кўриб чиқади ва тасдиқлайди.

26. Чора-тадбирлар режаси ушбу Низомнинг 6-бандида кўрсатилган чора-тадбирларни бажаришнинг изчиллигини, аниқ муддатларини, давлат органлари масъул бажарувчиларининг номларини назарда тутди.

Давлат хизматларини электрон шаклга ўтказишни таъминловчи ахборот тизимлари ва ахборот ресурсларини яратиш чора-тадбирларини амалга ошириш учун давлат органлари томонидан Республика комиссияси тасдиқлайдиган ахборот-коммуникация технологияларини жорий қилиш ва ривожлантириш лойиҳалари амалга оширилиши учун давлат буюртмасига киритиш бўйича Вазирлар Маҳкамасининг «Ахборот-коммуникация технологияларини жорий қилиш ва ривожлантириш бўйича лойиҳаларни амалга ошириш учун давлат буюртмасини шакллантириш ва молиялаштириш тартиби тўғрисидаги низомни ва вазирликлар, идоралар ва бошқа ташкилотларнинг замонавий ахборот-коммуникация технологияларини жорий қилиш ва ривожлантириш учун масъул бўлган ихтисослаштирилган таркибий бўлинмаларининг штатдаги ходимларини моддий рағбатлантириш тўғрисидаги намунавий низомни тасдиқлаш ҳақида» 2013 йил 25 январдаги 18-сон қарорига мувофиқ таклифлар тайёрланади.

## VI. Якуний қоида

27. Ушбу Низом талаблари бузилишида айбдор бўлган шахслар қонун ҳужжатларига мувофиқ жавоб берадилар.

Электрон давлат хизматлари кўрсатиш тартибини такомиллаштириш чора-тадбирларини амалга ошириш тўғрисидаги низомга ИЛОВА

Интерактив шаклга ўтказилиши ва Ўзбекистон Республикаси Ягона интерактив давлат хизматлари порталида жорий қилиниши керак бўлган Давлат хизматлари рўйхатига мувофиқ электрон давлат хизматлари кўрсатиш тартибини такомиллаштириш чора-тадбирларини амалга ошириш

СХЕМАСИ

Босқичлар

Ишлар

Субъектлар

Муддатлар

1-босқич

2013 — 2020 йилларда Ўзбекистон Миллий ахборот-коммуникация тизимини ривожлантириш комплекс дастурининг амалга оширилишини мувофиқлаштириш республика комиссиясига (кейинги ўринларда Республика комиссияси деб аталади) Интерактив шаклга ўтказилиши ва Ўзбекистон Республикаси Ягона интерактив давлат хизматларининг порталида жорий қилиниши керак бўлган Давлат хизматлари рўйхатини (кейинги ўринларда Рўйхат деб аталади) тасдиқлаш учун киритиш

---

Ахборот технологиялари ва коммуникацияларини ривожлантириш вазирлиги (кейинги ўринларда  
Вазирлик деб аталади)

Ҳар йили 1 декабргача

Рўйхатни тасдиқлаш

Республика комиссияси

Мажлисларни ўтказиш муддатларига мувофиқ

2-босқич

Электрон давлат хизмати кўрсатиш тартибини такомиллаштириш чора-тадбирларини амалга  
ошириш бўйича ишчи гуруҳни тасдиқлаш

Вазирлик

Рўйхат тасдиқлангандан кейин

Рўйхатда назарда тутилган

муддатларга мувофиқ

Электрон давлат хизмати кўрсатилишини текшириш, жорий ва мақбуллаштирилган моделларини  
тузиш

Электрон давлат хизматлари кўрсатиш тартибини такомиллаштириш чора-тадбирлари режасини  
(кейинги ўринларда чора-тадбирлар режаси деб аталади) ишлаб чиқиш

Ишчи гуруҳ

3-босқич

Чора-тадбирлар режасини тасдиқлаш

Республика комиссияси

Мажлисларни ўтказиш муддатларига мувофиқ

4-босқич

Ахборот-коммуникация технологияларини жорий қилиш ва ривожлантириш лойиҳаларини амалга  
ошириш бўйича давлат буюртмасига киритиш учун тегишли ахборот тизимлари ва ахборот  
ресурсларини яратиш таклифларини Вазирликка киритиш

Электрон давлат хизматлари кўрсатувчи давлат органлари ва бошқа ташкилотлар

Ҳар йили 1 сентябргача

5-босқич

Чора-тадбирлар режасини амалга ошириш

Электрон давлат хизматлари кўрсатувчи давлат органлари ва бошқа ташкилотлар, Вазирлик,  
бошқа масъул бажарувчилар

Чора-тадбирлар режасида назарда тутилган муддатларга мувофиқ